



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五〇一

蘊悫閣詩集十二卷 盛大士撰

一

蘊悫閣詩續集九卷 盛大士撰

一〇九

蘊悫閣詩後集三卷 盛大士撰

一九九

琴竹山莊樂府二卷 盛大士撰

二三一

蘊悫閣文集八卷 盛大士撰

二四一

蘊悫閣別集四卷 盛大士撰

三四九

蕉聲館集三十三卷（文集八卷首一卷詩集二十卷詩集補遺

四卷詩集續補一卷） 朱爲弼撰

三八五

蘊悵閣詩

集

道光元年辛巳
秋九月開雕

蘊悵閣詩集自序

余年十一二時先君子授以作詩義法自漢魏樂府暨六朝唐宋人詩各選讀數千百首少長習制舉業功遂間斷及浮沈諸生中見所恃爲科名羔雁者心竊厭棄始發憤肆力于古今體詩時青浦王述庵先生主講婁東書院余以詩進質先生見而奇之謂異日大有造就益喜不自勝欲併力與古人相追逐乃家累蠹積飢驅湖海又抱鮮民之痛與影于立中心靈傷茫茫百感奔走燕齊吳越四千餘里年近五十方得一棧于淮上十年浪走至是稍定而家庭多故愛子夭折慘變之來不可問天自念此身于生我者既負恩于我生者亦抱疚其悲悽愁苦之意時時形之於詩而實爲詩之所不能盡達則以少壯時學詩之功夫輟無常或奪于浮名或困于衣食是以精神耗敝而卒無所成也然而數十年來情性之所寄託蹤跡之所涉歷與夫交遊親故盛衰聚散之感無不具乎其中則余之所作雖不足傳而覽者猶得因其詩而悲其遇焉區區一編所由竊自愛惜而不忍焚棄也道光六年歲在丙戌五月初日鎮洋龐大士書于射陽學舍

蘓係閣詩集序

曩者胡蛟門向余言邑中有盛孝廉子履者英絕領袖之士也余乃介於蛟門而與之游見其爲人溫雅雋朗有袁彦伯崔長孺風致且工於詩既而蛟門遽返道山余補官北上遇子履於長安邸舍因延館余家每當樞庭散直之暇輒剪燈煖酒日以唱酬爲懽及子履下第南歸余亦持節領外曾以書招之虞山之麓苦道遠弗得達虞山其舊遊地也故集中所載山水懷人諸作惟虞山爲多余與子履相睽久矣昨從虞山來慰我於衡恤聖廬之下握手涕泣不暇問其詩境之何若也暨公車歷碌又不得志而還始出其蘓係閣詩集見示余讀其近年所著詩覺體格遒變而所造益工夫以十年之間倏往倏來忽聚忽散而鄉里一二知心半皆彫謝則詩之於人也亦等諸雲煙過眼而已矣夫詩之爲道曰情曰辭辭有升降情則千古勿之有改子履之詩深於情而富於辭故能深婉豪健兼擅其長其追金琢玉璀璨瑰麗則才人之詩也其含吐抑揚醞釀深厚則詩人之詩也余學詩三十年茫無所得卽偶有所得僅止於此然後知詩非易爲也不造微不足以名家故唐人盡一生之力爲之以子履之性癖耽詩極其歲月詣力當必有斷輪於甘苦之外而卓然成一大家者余安能量其所到哉子履贈人詩不云乎浮生碌碌盡似鴻毛輕吾倩終當爭此身後千秋名亦可以觀其志之所在矣

蘓係閣詩集序

一

嘉慶甲戌冬至日同里汪彥博書於養泉齋

余與子履聚而復別別而復聚者蓋十餘年於茲矣猶憶京邸初晤時諸同人皆揣摹制舉日不暇給子履獨鎮日高歌客有談及俗學者子履卽掩耳疾走蓋其天性超曠視榮利如敝屣雖屢赴都門意在於尋詩而不在於科第也夫千古推爲詩聖者莫如杜少陵而善學杜陵者莫如元遺山今子履出入百家而其大旨則以杜陵爲祖以遺山爲宗凡動息勞佚悲歡離合感時觸事一寓於詩讀之可以知其性情之正矣古人云詩須得江山之助又必讀破萬卷延覽才俊以擴其見聞子履才分過人博通羣籍尤長於史學中年以後往來南北數千里齊魯燕趙吳越

蘓係閣詩集序

二

之間所與遊者皆海內諸名士所見愈濶詩境愈高能含老氣於秀色之中能發逸情於埃簡之外沉雄激越跌宕淋漓斷非世俗之研揣聲病者所能測其津涯窺其堂奧也余之序子履詩以嘉慶壬申而止其癸酉以後彙彼時尚未之見僅執前序以例君詩猶未足以盡君詩之妙也因不辭蕪拙而更贅數語嘉慶戊寅夏五汪彥博書於京寓之藤花館

子童子時卽識先生之爲人稍長讀先生詩文襟著益賅沐不能已其時先生之詩近體學西崑古體學長慶如時華美女珊瑚木難鮮新華耀爲一時流輩所推挹後十餘年先生旣奔走於衣食而子亦時時去家不數見見則詢

近狀匆匆別去未嘗一言及於詩甲戌計偕至京與先生同寓宣南旅舍因得盡讀先生之詩其氣盤薄鬱積蟄蟄委蕤觀者徒覩瑰眩目莫得昨岸其辭則連牀誦詭縱恣自喜出入於昌黎昌谷而時委迤於歐梅范陸間始嘆先生之得於此者深而舊日之風華綺麗所知於先生者非其至也旋里後先生依觀察使何公於浙中縱游浙東西諸名勝是時余在吳門又不得繼見者二年往歲始相約北行途中抵掌譚藝宿願畢償每一登覽則長篇短歌累贈互答渡河而北晤畢于筠於下邳司寇充州南樓遂至曲阜觀孔子廟堂車服禮器悠然見三代文章禮樂之遺意先生作紀游詩數篇皆沉深豪宕卓然自爲一家聆其

蘊懷閣詩集序

主

議論則以青蓮少陵昌黎遺山爲宗而追逐於建安黃初而上視其篋中舊作已刪去十之六七所存詩若干卷皆刊落浮華不屑屑於摹擬刻畫而淳古雄厚自然深造蓋其沉潛反復用力於此者三十年然後知其得之難而益信其傳之者久也且夫河之出於蔥嶺也紆迴漩折數萬里而放乎海木之生於豫章也雨淋日炙數百年而成乎材文章亦然鑠而不舍積而不可止則其發之言也愈光而行益遠近代詩人或衍江河之末派而以爲不關才學獨榮性靈或揚王李之頽波則又欲剗剗古書務爲奇崛其故在汲汲以獵時譽而未嘗求之於古人根柢之所在也然則讀先生之詩者其亦可以審所用力矣抑又有進

有神明之律與情志通先生貌和而性峻與俗士過去之惟恐若免年近五十連不得志於有司胸中曠然曾不芥蒂自文章著述而外別無可以移所好者此豈無所得而能然耶予與先生俱客京師斯夕相過從登臨俛仰時以詠歌遺懷先生過以予爲知言而予亦似有所得遂忘其性繆牽綴而爲斯言同里徐元潤

蘊懷閣詩集序

四

蘊懷閣詩集題辭

一鞭席帽纔拂了，輭紅塵土看文杏雲邊碧。桃天上愁絕，芙蓉江清莫問春卿遺才事。只湘水衡山鑒取嗟十指朱絃七條冷。玉有人心許，千古錦囊畱得綠章佳句記吾。谷花濃尚湖杯暖傳遍旗亭歌處。穎士奴憐香山姬解儂也。兩眉軒舞暢好約海上成連日日刺船聽去。

右調十二郎

嘉慶甲戌九秋同里甘亭居士彭兆蓀題于小謨觴館

蘊懷閣詩集題辭

蘊懷閣詩集總目

卷第一 癸丑至巳未

古今體詩七十五首

卷第二 庚申至甲子

古今體詩六十九首

卷第三 乙丑至丁卯

古今體詩五十四首

卷第四 戊辰至巳巳

古今體詩七十三首

卷第五 巳巳至壬申

古今體詩五十八首

蘊懷閣詩集總目

卷第六 癸酉至甲戌

古今體詩七十五首

卷第七 乙亥

古今體詩七十八首

卷第八 丙子

古今體詩七十三首

卷第九 丁丑

古今體詩八十四首

卷第十 戊寅

古今體詩八十二首

卷第十一 巳卯

古今體詩五十四首

卷第十二 庚辰

古今體詩七十一首

蘊懷閣詩集總目

二

蘊懷閣詩集卷第一

鎮洋 盛大士 子履

癸丑

城南草堂雜詩

敝廬城之南地僻寡輪鞅農祥發土脉環舍多沃壤新畝
序錢鏐筐筥載黍稷宵則荷月鉏晨或戴星往往三時偶娛
嬉百穀昌蕃穰心苗盎春和元氣浩然
東鄰數畝田汗萊半荒蕪官租不足供之吾暮追呼售與
西鄰家硯者爲膏腴豈係地宜之於人方殊霜風稂稻
熟落杵飄紅稈樂康無已太石漚消幾壺膏陽轉地脉新
綠開春卯

蘊懷閣詩集卷第一

一

實學建功業俗學驚名利心跡真僞分學術今古異聖賢
勤詩書匪爲溫飽計朝廷詔賢良所重在經濟辭賦技瑣
屑雕蟲壯夫棄抱膝卧空山側身小天地
朔風逐霏雨入夜變作雪觀書坐拳足敗絮重似鐵茗鑪
撥殘灰炙手不知熱此時窮巷子炊煙或斷絕妻孥夜卧
薪畫起擁鴉結一袍不蔽體何以禦栗烈
中庭古槐樹有烏巢共巔巔風摧林柯下上飛盤旋斃影
失所託哀鳴劇可憐皇天本至仁枯骨無頗偏覆載猶有
憾何以謀萬全富者粟比櫛貧者室岩懸安得惇獨民界
以百晦田廬井傳子孫永世保幹年

秋日遊梵鐘禪院

雲不盡不斷秋色上層樓落日澹沉雁迴風寒聚幽榆黃
城堞近竹翠寺門幽晚聽蒲半吼驚鷗起石湫

潮音庵

蘭若東南勝滄江萬象清竹風吹海氣松月寫潮聲徘徊
多花草僧閒少送迎客歸尋舊路樵舍一燈明

秋感十二首

秋心抱寒月流光入虛幃却照孤坐影鏡前兩依依靜居
契恬尚迴與世事違觀書證心得理解涵精微欲求今者
是須辨昔者非夢游太空際天風掃陰霏河漢不可渡白
雲自孤飛

寂寂四山暮啾啾百鳥哀木葉自黃落匪爲秋風摧金柔

蘓係閣詩集卷第一

二

火易燥石爛山易隕奚況蒲柳姿歲月能幾回吾將挽羲
鞭良晨暫徘徊有酒且歡飲浩歌臨高臺

秋山澹於墨不辨雲有無中藏萬壑松高下相盤紆能遠
意若近骨瘦神彌腴開軒豁吟眸筇杖欣相扶羣兒水中
聚一雁天邊孤物情各有托亮茲族類殊吾其審所與曠
懷斯人徒

山雨泥曉潤溪雲迴晚晴草色青可憐一掬綠不盈傷彼
病黃蝶依依戀寒英三春桃李花一歲不再榮秋容獨婉
變慰此幽人情

雞鳴風雨夕秋思淒以苦良人會面稀一水千山阻衆芳
嘆將蕪及時采蘅杜却恐凋絕久兩情不相許中宵起徘徊

惻惻琴情無語

素居意不愜乃作西溪遊西溪有故人共此滄江秋擁書
坐日暮山翠空中浮回頭見飛鳥翻其下林邱街來一紅
葉葉底斜陽留頓悟靜者靜相賞幽居幽勞生因塵映役
役奚所求

蟋蟀草間蟲能識秋氣悲夜長生客愁唧唧鳴孤帷冷夢
已如水更繁醒後思多情謝明月夜夜照階墀

南山榆葉黃北山楓樹紫叢竹青四時杳入碧雲裏登高
發浩想羨彼古無死朔風吹短髮撩亂不能理身無鷗風
翼何能舉千里

墓門生重陰夕露泣百草劉伶本酒徒一醉不知曉愁人

蘓係閣詩集卷第一

三

抱酒悲盛年容已槁垂死含苦辛奄忽不自保放曠聊復
爾憂傷令人老惟此不朽業修名古所寶

絲管皆春聲彈琴秋最宜秋意入琴趣尤在夜靜時松聲
古澗落竹影疎簾垂瀟湘煙水澗君行何所之碧天美人
夢惟有明月知

艾草不盈寸能滅蘭蕙香浮雲薄於數能掩星河光凜凜
物候晚慙慙增感傷池流未成水簷瓦已著霜陰陽迭消
長備忠宜周防

杖劍出門去四顧天蒼茫落日磨寒楓驚颺起枯桑前有
百丈淵欲渡愁無梁峻坂不可上猛虎深林藏平地亦險
阻燭燼滿路旁野田飛黃雀所志在稻粱鴻鵠殊冥冥于

里任翔翔

甲寅

春郊晚歸

晨起愜勝覽晚歸日已冥
峴容低野樹城影落春星
小艇喧爭渡荒庵靜掩扃
吟懷何處托笛韻幾回聽

先大父維閻公幼精醫理樂善好施至老不倦乾

隆二十年里中大疫郡守王公設局延聘治疾全

活無算迄今城南故老猶有能詳言之者敬賦此

詩以誌先人之世澤於不衰

我祖清芬遠百年舊澤深布衣壽世業宰相活人心邑乘

名垂昔州民感到今春陽回大化秋癘掃重陰效自收操

蘊懷閣詩集卷第一 四

券貧還却贈金不辭昏暮叩遑避雨風侵舍北泉流井城

南杏滿林梓桑敦厚誼松菊動高吟殘帙刊魚魯遺編走

蠹蠅濟時留妙術裕後仰貽箴故里無喬木荒阡有暮禽

禁方三十卷零落涕霑襟

苦雨

海氣荒城六月寒愁雲苦霧望漫漫高原陡落千山澗平

地爭迴百丈澗把釣翻耽漁隱樂典衣聊辦腐儒餐汗田

澆偏農人淚后土何時得再乾

家大人命詠閒居得秋字

世外溪山夢裏遊醒來身事類浮瀛放懷湖海煙波澗寓

目田園景物幽隙地有花堪破寂虛堂無月自生秋寒也

故物吾家在隨分盡鹽莫浪求

過黃姑塘藏女廟

渡頭古廟晚涼生隱約前村牧笛聲
小亭生過雲半卷疎星還在水邊明

十丈紅牆斷復連平橋流水漾澄鮮
淙淙不約尋詩伴記別天孫又一年

溪南晚眺和楊構莊丈樂韻

平野渺無際蒼茫眼界寬沙隨孤雁沒
秋入片雲寒古渡歸漁艇斜陽落釣竿

村家招客憩澆酒頻乾聞海上有警

怪雨腥風咽怒潮虛傳戰艦勢方驕
樓臺蛟蜃迷羣峽草木蟲沙走百妖

但使恩威能用可知氛祲不難消
東南比戶愁征調估舶江干嘆寂寥

海寧寺設齋歌爲于滄來郡守龍圖作

海寧寺在城西日憐憐風淒淒
朝聞婦女哭暮聞嬰兒啼

抱布易粟者誰子一飽不救全家飢
入城來行跡踰出城去歸家連走告家人

且勿哭明日城中設官粥誰樓四鼓
城門開使君驕從街前來夾道羣隨使君走

挈棹提筐萬千口權呼老穉滿路衢
仰視使君淚落如連珠冰天雪夜寒威凜

使君有酒不能飲明春一麥綠滿時使君出郊四

眺一醉可以消千愁京口舟次

七

曉發錢塘城頭日初吐嵐開千樹雲瀾瀾前宵雨蘋花
媚渚漾鷗羣逐三五挂席望青山歸心入秋浦翻思渡江
來幾日風波阻沙邊邀酒羣釐中各漁父欲爲黃鵠飛短
羽不能舉百里嗟沉滯何論遠行苦

秋望

江天涵遠碧爽氣入秋晴竹外一山影松間萬壑聲閒鷗
浮水狎獨鶴御風行正欲攜高詠舉頭明月生

謝臯羽竹如意歌

匡山鬼兵夜深哭血染千竿萬竿竹道人晞髮陽之阿斬
竹刻釵歌楚歌一枝枯竹擊石碎杜宇冬青月昏晦未鳥
飛下嚴陵臺忠臣不死魂復來故人酌酒荒亭下秋簞綠

蘇松閩詩集卷第一

六

暗鮫珠淚斷竹簞竹啼烏盡柴市草花青可憐

湯貞女詩有引

湯貞女嘉定薛涇人許嫁同里王謙益未嫁而夫卒貞女
往殮號泣如不欲生比還室夜哭不飲食遂病病且殆語
父母曰兒死請葬王氏墓父母許之有頃卒訃於夫家舅
姑痛悼迎匭合葬小婁塘之原實乾隆九年九月某日事
也謙益有從子壽嘗述其事於余爲作詩以紀之

迢迢薛涇水百尺激寒瀉湯氏有好女窈窕神儀姿山陰
貴家胄占協家人宜未幾合歡被倖孤雛離上堂拜父
母嗚咽紛涕洟夫君殮某日臨在一視之出門登車去昧
目揚塵縋到門拜舅姑舅姑心愉悲昔日餽餅會紅錦鋪

儼皮今日泣瓊瑰總帳搖靈旗人家新嬪至驕從香輪馳

紅紗封玉臂蘭麝添衿袖嗟我新嬪來素輦曳綈綦一見

新嬪面引我心淒其新嬪問此言不語涕漣漣潸潸踴視含

玉觀者長吁嘻比歸晝夜哭不知渴與飢從此嬰痼疾勢

若孤線危阿母心旁皇旦夕慮不支中夜三四起正值編

留時問女欲何言問女欲何爲牀頭謝阿母永與大人辭

自兒生母家不逐兒童嬉大人甚憐愛賜我碧玉卮玉卮

光的曠彩奪明玻璃紅紋細生鱗隱約蟠雙螭薰以龍腦

香供以鳳尾芝覆以流珠盤盛以鬱金醕願言醉即墓百

和椿松脂生來不識面地下長相思附葬郎墓旁兒死心

亦怕返魂無奇香莫挽乘雲輜舅姑驚聞訃寃夢爲親治

蘇松閩詩集卷第一

七

迎匭謀合葬合葬婁塘隔婁塘水潺湲豐艸綠滿陂矢志

貫金石終古留殘碑

乙卯

江村

江村三日雨野水一篙平夾岸楊柳綠滿林春鳥鳴偶尋
高士宅獨倚青溪行可望不可即悠然移我情

過田家

携筇過南陌閒叩田家扉繞屋樹交蔭到門花亂飛佐觴
銀線深罨鰓魚肥日暮歸途晚清風冷葛衣

古意

明月照儂影金鏡照儂面鏡比月多情令儂常自見

子夜歌

歡言夜未央
恨天將曙
明月照歡來
殘星送歡去
歡似簷上燕
去來無定期
今夜歡去早
昨夜歡來遲

王孫遊

櫻桃紅欲綻
楊柳綠垂絲
芳草雖云碧
若君猶未遲

休洗紅二章

休洗紅洗多
紅色改舊紅
日棄遺新紅
彩人情厭故
競喜新故人
昔亦爲新人

休洗紅洗紅
紅顛濕落紅
隨逝波入水
難拾一水分作
東西流別時
紅顏今白頭

積雨書懷

蘊懷閣詩集卷第一

八

日日重雲羃水隈
溪聲爭挾雨聲來
却看絕壑通舟楫
卽恐汗田沒草萊
澤國爲花原綺麗
江鄉鴻雁足矜哀
柴局寂寞黃昏後
愁對簷鉾泛綠醅

丙辰

早春遊璜溪集飲友人齋中

小艇東風遊興催
故人喜我抱琴來
春塘十里水初漲
薄雪半林花欲開
雄逞談鋒銷短燭
苦搜詩思吸殘杯
明朝溪口別君去
折取一枝綠萼梅

寶劍篇

扶桑日射鼇山紅
后羿不敢彎強弓
八方精氣聚一處
洪爐九轉鎔精銅
豐城石函歲月古
誰致華陰一囊土
血淚

繞江苔花封尚有
虬龍赤霄舞掣電
流星聞闕開排雲
涌

現金銀臺飛廉扇
炭寶光吐不使神
物理埋蒿萊卽今
殺氣連秦蜀白晝
殤魂向人哭陰厓
萬樹刀兵聲淚竹
愁花慘心目軍門
奏凱夾道呼左提
純鈞右湛盧斫取
雌雄擒雄狐大排
蘭錦繡鋪鐵甲照
罽紅珊瑚

書感

古者男子生門設
弧矢六春秋牧干
戈武事初習熟奈
何今之人輟畧不
寓目文武分兩途
書生半庸碌我慕
小戎詩君子溫如玉
鬚髯駕六轡勒環
耀五檠傳聞荆楚
冠鉞險竄秦蜀願
隨羽林軍獻獻戎
醜速

哭姊氏

蘊懷閣詩集卷第二

九

慈顏髻髻背
影泣昏晨况復
寡兄弟同君歷
苦辛出閨爲健
頰中歲作陳人
未忍除喪服臨
風獨悵神

呈王少司寇述庵先生

海內文章伯江東大道王
雅輪扶隻手古殿歸靈光
道洽中朝望身逢景祚昌
晚歸耽著述舒嘯泖湖莊
絕域南荒徵書生遇合奇
棄繯關路迴磨盾羽書馳
瘴癘消皮骨星霜感髮絲
斗狼筈萬里名氏勒韓碑
從軍班定遠投筆竟封侯
事業輝青史功名半白頭
九天隆迪簡元老倚襄猷
謂阿文成公郊勞臺高築
刀鋸夜月秋襄海鋒煙息
旌麾昇任專旅獎歸職貢
召虎効旬宣錫命邀殊寵
安車禮大賢昔年疏廣受
盛事到今傳

車馬江干駐驢塢屬九峯星濶迴學海山斗仰儒宗千叟
天厨賚三春 帝澤濃神仙挺登鶴未改舊時容

答東錢同人茂才 偶

乍合延津劍龍門快並登君與余同受業於述庵先生之門酒懷爭跌宕
流輩已飛騰詩補昔年稿寒消半夜銕秦中頻報警問坐
百憂增

遣悶

中澤哀鴻日夜鳴閉門風雨百愁生文章聊遣窮居悶懷
抱空憑濁酒傾近水落花迷客權遠天飛絮失春城東南
和賦征輪急聞道秦川正用兵

黃塵苦霧盡妖氛閭道衰斜壓陣雲盪寇兵曾疲百戰總

蘓松閣詩集卷第一

十

戎威自震三軍臨邊王綰新持節開府哥舒舊策勲聚米

畫沙歸 廟算侈談韜畧笑紛紜

蟻聚蜂屯勢蔓延撫循悔失事機先將軍漸上真兒戲野

老江頭欲涕漣戎馬關山須努力征衣風雪又經年何堪

落日高原望巫峽猿啼絕可憐

滄江風月獨登樓野色蒼茫慨客愁已見旌旗連漢廣又

傳烽燧到中州承平武備疎羣牧社稷元勲仗老謀莫笑

空言無寸補書生還切杞人憂

丁巳

二月四日陸茂才

錫培

招飲城西別墅對雪分得

紅字

春江吹盡梅花風欲雨不雨天濛濛城西陸子頗愛客東

醪酌對花慳松蠟厄浮甘鴈壺覆貯盤鮓菜烹葵菰開門

豔雪千萬片世界坑入冰壺中朱簾初卷篆煙碧綠酒自

照簷銕紅太空不留一點滓大斗足洗千秋胸酣歌頓令

寒意破但覺春氣含冲融君詩翻如舞蝶蝶點綴巧奪滕

王工玉殿銀空路幾重美人遙在蓬萊宮東方漸高日初

春雲曲

吐青山更有嫣然容

春雲開曉紅半天璿臺玉洞花翩翩美人隔花玉齒笑捧

出行波宮樣殘雲鬢綽約珮寶瑤層樓圍繞珊瑚樹縹緲

羅浮蝴蝶衣玉鉤靜鎖留春住昨宵我夢游天台飛泉寒

翠流石苔虹梁架空一千丈涌現紺碧金銀臺倚雲灌偃

露瑤草玲瓏栽披雲散香霧羅帳蔽蕤開醒來日出博桑

曉花光歷亂紅雲繞花落隨風化彩雲春來何遲春去早

君不見碧桃千樹雲低迷滿地綠陰鳥亂啼

題駿馬圖

飛黃伏槽檻下與凡馬羣世無紺且御神駿丹青僅見曹

將軍筆驅浮雲閃赤電沛艾騰驤絕絢練驥黃萬匹一洗

空眼底神龍手中變墨彩疑含黃澤沙金光吸取精銅鍊

氣吞虹梁籀五雲鰲剪天花散千片吾聞神工妙技能通

靈願天速降房驕星鞭策驚駘換凡骨肖此似儼權奇形

涼秋八九月白草迷郊垌鐵衣雪噤噤玉帳雲冥冥朝馳

蘓松閣詩集卷第一

十一

秦關塞已蜀驍騰提騎如雷雲渴飲賊血沫流緒生所戎
帝廷封狐鼠死狡兔滅虎旅歸鞍謁金闕麟閣
駿馬圖風來雄姿耀日月

秋夜曲

秋山雨霽秋風香秋天月皎秋夜長凭欄望月夜將半淺
露濕美蓉裳芙蓉爲裳蘭蕙佩流珠三弄瑤瑤碎窈窕
瓊閣雲母屏懷人今夕空愁對愁對雲母屏可奈何獨將幽
恨問如娥班姬絳帳悲團扇趙女金華翠蛾媚秋風
臨別清盈盈秋水漾輕波輕波如練月下里月淨沙明鷗
不起蘭橈舟迴蓮子香漁歌隱約輕雲輕雲蕩漾水東
西烏鵲橋邊路不迷七寶香車停翠幃九華燈影覆金隄

蘊懷閣詩集卷第一

七

是時羣真降僊蹕璇宮樂奏清商曲玉洞花濃舞裏低銅
荷燭燭雙鬟雙鬟舞舞影隨隨十二層樓甲帳懸天上
絳河原有路人間青鳥恨無緣誰家怨女粧樓望秋來見
月增惆悵甲煎香凝玳瑁簪辛夷露灑流蘇帳流蘇帳冷
月華秋纖手玲瓏捲幔鈎薄病多愁彈別鶴含情不語望
牽牛可憐玉顏紅易減可憐秋色遞如流祇看落月銀河
畔今宵又減清輝半愁絕征人塞上行鄉心夢斷垂楊畔
垂楊垂柳縮離情秋盡空山夜氣清此時彈箏牽別恨此
時吹笛送離聲王孫芳草遊將倦少婦金閨夢不成金閨
冷澹鴛鴦枕點點絨絨相思甚倚檻頻聞永夜更當憇自
織迴文錦迴文欲寄路迢迢一曲箜篌訴寂寥更當憇

紅鬚紅淚盡中濕絳綃玉壺鸞鏡長相憶修眉深鎖愁
何極蕭蕭霜颭吹井梧關情無限傷秋色秋深夜靜掩綃
幃月照離人影轉遲山遙水遠鴻雁少太息思君君未知

戊午

述懷

束髮愛讀書意氣頗自負文章奇字崇落筆龍蛇走鑿險
闢真境懸河誇辨口進銳戒退速博綜尙約守稽田輟未
將苗稼雜根莠梓材廢樸斲丹青變昏黜白日駒過隙吾
其知之否

少小丁運厄八歲失母氏上承世父祧下鮮兄與弟嗣母
如吾母無母而有恃機杼鳴寒風五夜墮十指慈烏啞啞

蘊懷閣詩集卷第一

七

啼銜哀痛沒齒生前不能養身後長已矣何以報劬勞視
顏爲人子

古交重直諫多聞集羣益獨學孤且陋疑義孰辨析吾儕
二三子風誼貫金石易地作師保彼此互刻責友或抱玷
瑕吾亦改其墮所好藥石我握中寶元璧春暄景氣和秋
晚霜華白願爲芝蘭腴爲松與柏

塗松道中作

塗松枕七浦地瀕東海陬炊煙黃竹林人影蘆花洲遙青
澗若洗近綠澗盡浮古龐鬱衆萃匝天盤松根霜禽巢其
顛重重結岑樓虬藤斷欲墮龍幹拳抱鉤匪山亦崔巍無
風自颺颺落葉挾惡雨爭送寒潮流前沙連後灘隔岫不

見舟孤帆出林際微聞櫓聲柔俛仰豁遠目萬象登高秋
畢然適往蹟父老詳其由北朱元豐間列肆民居稠估船
揚竿旗雜選百貨投元季爭割據此地蕞戈矛築城防寇
兵決莽風雲愁治桑屨變遷海表開雄州表延地沃饒禾
稼盈良疇比年泥沙淤澆妨耨耨支河塞荒茅狹若漕
與溝虹梁臥其上虛置同贅疣哀哉中澤鴻羣飛鳴啾啾
東南賦斂重疾苦難遽瘳昨讀寬大詔盼租待來甦
願避窮困吐惡獻疏論謀高下利蓄洩未雨先調移豐年
有高廩儉歲無歉收無羔酌斗酒比戶騰歡謳我身憐飄
蓬世事真浮鷗移家此中住亦足消煩憂

己未

春雷篇

蘇轍詩集卷第一

十四

青旗蔭華甸蒼駕騰祥麟九霄霽天酒萬象開陽春中田
藝黍稷凡其競懷新抽芽疊青玉吐穗瓊綠雲初歲緯厥
未合耦農力勤能使田畯喜無勞遂人巡蒔草沼萌句僞
者能亂真一陰卦占姤初生象爲屯春陽布膏澤同受栽
培恩苗蕤漸柔茂滋蔓旋輪囷橫潰且旁突亂絲萬緒芬
欲藉膏沃壤據作要路津郊原一以眺野色迷黃昏老農
輟未嘆棘手不可耘天威勃然怒雷車走轆轤烈風摧其
條電火燒其根青蕪飛赤焰一炬騰煙溫嘉種實穎粟慨
以雨露頻農夫攜婦子額手交懼忻膏藉草人職周禮濟
其陳賢剛利用牛鹹渴利用貍餘根作糞種勿使成荆榛

稂莠雖誅鋤亦感皇天仁五穀種之美無雜莠釋羣早晚
盼成孰稼黍高下均楚葵簫奏雅士鼓詩歆幽泉貨困用
饒保聚民風淳苾苾潔享祀簠簋歆神人

有感

戎馬何時息西川寇未平安全無善策戰伐有威名野戍
紛屯牧嚴關盡列營從軍遊俠子幾載失春耕

龍虎染分節猱猱銳出師聖心誰仰體民隱切周咨

風惡荒村析雲昏大將旗三年勞破斧應悔獻俘遲

病愈偶成

曉月延虛幌燈花照獨眠瘦吟憐病後苦調得秋先舊雨
曉芳訊新寒擁燄燄鄰雞催夢醒晨起理殘編

蘇轍詩集卷第一

十五

送入蜀中

自昔靈叢路深山窟虎狼請纓馳戰壘磨盾耀軍行草木
烽煙氣風雲俠少裝紅閨含別淚愁絕鬱金堂
聲鼓秦關震旌旗劍閣來壯懷思報國幕府正求才白
草村煙斷青燐鬼嘯哀生還吾望汝醉飲夜光杯

舊溪

小寒食後雨如煙畧竹欹斜簾釣艸野水一村花半落春
風兩岸柳三眠

咏班竹扇

竹扇齊統飾團樂製最工淚痕猶未拭何忍對秋風
遊法雲庵

古寺臨清澗，莓苔上竹床。一聲檀板叩，花影澹聞香。

香塘與友人別途中口占

與君一別香塘路，指點帆山落照紅。行到帆山復回首，香塘遙在暮雲中。

寓感

蘭生空谷中，幽香入骨髓。移向庭堦栽，服媚人如此。人愛幽蘭香，我亦香幽死。

美人愛折花，繁英滿羅幕。獨有芳杜蘅，山中春寂寞。折花花易萎，養花花自若。留取異時折，美人情不薄。

蘊懷閣詩集卷第一

十六

蘊懷閣詩集卷第一

蘊懷閣詩集卷第二

鎮洋 盛大士 子履

庚申

青溪行

青溪板橋澗，夕陽桃根桃葉生。冷香九曲愁腸斷，難續溪水依舊年。年綠流出琴聲韻，漢咽江南梅花古。離別花開遲花落，早去帆多歸帆少。不辨長亭與短亭，秋林兩岸丹楓老。

遊笛步

曹碑蘚泥，鬱寒綠淒斷。柯亭一枝竹，梔鏗紅笑。桓使君簾籠響，流銀漢雲。鳴鶴慘啼，凍蟾立山鬼。自向枯松泣，薜蘿落白菖蒲。青溪頭寂無人語聲。

莫愁湖

石頭城邊暮雲紫，飛入湖心散成綺。兩渠蘋花裊翠煙，樞歌發處秋風起。零香墜粉舊紅樓，湖名莫愁人自愁。山愁青水愁，絲六代官家號莫愁。美人濃笑芙蓉綈。

曉起同蔡茂才登報恩寺浮屠

高塔鎮金陵，飛甍竦而峭。清晨攜伴遊，搜身縱遠眺。石梯九層轉，下坦上漸拗。曲闌抱鐵索，一柱掛若倒。側足股已慄，咋舌頭亦掉。勢比累卵危，氣復一鼓譟。後顧徑路絕，前瞻鬼神導。口吸雲霞蒸，足躡鴉鵲噪。瑤瑤駕僊僊，瞳瞳靈五色。照林莽煙霧，濃塵之不敢到。太空搖光晶，四顧指而笑。

萬井列畫屏畫工失其妙雉堞百丈登城濠四面繞長江
限南北地勢扼衝要荒榛何代陵斷瓦何年廟西風栗葉
黃六朝一詩弔

胭脂井

辱井宮妃匿低鬟落翠鈿胭脂紅半減猶被晉王憐

遊金山寺

瀉汗江濤流茲山枕其面峻介天地壯神采高下絢礪
挺奇秀屢屢鬱鬱蒼蒼蔚蒼蒼萬象儼然變推蓬露金
碧一望眼光眩泊舟入寺門粗敘所經見繞廊鋪文甃石
齒貫銅線精舍線以曲簾洞瀑絲澹澹皚皚屏疊屏焰焰象
羅薦如來闍法音梵唱響僧院蘭陀尊孤圓松嶺累重巖

蘇轍開詩集卷第二

二

塔搖九子鈴一一巧貫穿陸離五色芒疑是女媧鍊日輪
浮虹梁雲氣落紺殿花纖皎宮綃藤垂虎魄劍異林森亭
臺一覽惜未徧攝衣升其巔快哉大觀擅九點齊州煙遙
青隱而現疊嶂爭拱揖層巒列簪弁分晰賓與主部署貴
與賤蹲或作伏能騰忽驚闕贊左如倚鹿廬右若搏猊
斑斑文雉翔嶽嶽巨麓扑兀兀駭愕貽冥冥震聳胸碧雲
撐空天山容婉兮嬰玉女鳳輦披僊官鶴袍袂微聞珠翠
香恍恍瑤席醴蠟展着幾兩到此掃煩倦下瞰九迴淵淡
漠繞吳甸資深達其源奔注至必泝飛瀑聲响雷暴灑勢
激電璫鉤徑寸珠石簾百尺練十幅衝雨帆五兩候風扇
颭竿揚旂旂水驛提郵傳蜚蚪吞夕霧騰蛟吐晨暉垂翹

蘇轍開詩集卷第二

三

江上月清輝照詩卷

舟行口占

一峰送客數峰留遠岫浮煙近岫收疎柳自園溪上屋圓
沙不礙水邊舟人來白下多懷古我看青山獨愛秋翹首
秣陵煙樹裏滿空雪浪拍鳬鷗

呈錢官詹竹汀先生

著述千秋事名山絕業成文章唐吏部禮樂漢諸生道貌
溢真趣古權無俗情萬鈞發洪響大小叩皆鳴

泥濘舟次

遠夢碧天外孤舟滄海東潮迴爭挾雨樹暗欲生風城郭
千家合樓船百粵通此鄉民足食吏治易成功